

خدمة

”جيد للإنسان أن يفعل الرحمة و لو لإرضاء الناس، فسيأتي وقت و يفعلها لإرضاء الله“

— القديسة سارة الراهبة



القديسة سارة الراهبة من صعيد مصر من أبوين تقيين علّماها قراءة الكتاب المقدس و سيرة الرهبان و القديسين حتى صارت راهبة مجاهدة ضد الشيطان و لها أقوال كثيرة نافعة حكيمة في بستان الرهبان

في الأول يبدو القول ده غريب علينا: مش ده رياء إن الواحد يعمل حاجة حلوة عشان يرضي الناس؟ مش ده المقصود ... المقصود إنك ممكن في وقت تعمل عمل رحمة مش حباً في ربنا و في إخوته بل لمجرد بس إن حد عزيز عليك طلب منك كده، فأنت في الأول هدفك مش صح، لكن لو واطبت على عمل الرحمة أكيد في وقت ربنا هيلمس قلبك بالنعمة و البركة و تدرك مدى بركة هذه الأعمال و فايدتها لك فتبدأ تعملها لإرضاء الله

يا رب نشكرك على آباء و خدام كنيستنا وعلى الطرق اللي بها بتخلينا ناخذ بركة أعمال الرحمة (حتى لو متضررين في الأول) ... خلينا نواظب عليها و نشوفك في كل واحد محتاج رحمة (زي ما أنت قلت في متى 25) و نعرف إن ده له أجر سمائي لا يضيع



مدرسة شمامسة مار أفرام السرياني © 2016-2025

